

D E S C R I P T I O B R A S I L I Æ.

Limites.



N America Australi Rex Hispaniarum Portugalliae nomine possidet terram Brasiliæ, quæ olim Provincia S. Crucis fuit dicta à Portugallis, qui primi illam invenerunt atque lustrarunt. Ea autem secundum Nicolaum de Oliveira initium sumit à Para, quæ Portugallorum arx est in æstuario maximi fluvii Amazonum, sub ipso pene Æquatore sita, & desinit in trigesimo & quinto gradu ab Æquatore versus Austrum: & secundum oram maritimam ductum, maximo gyro complectitur leucas mille, quadraginta & unam: quem ingentem terrarum tractum Portugalli juris fuisse profitentur. Porro regio hæc omnis, sive Brasiliæ, sive quocunque alio nomine censeatur, dividitur in 14 Capitaniis, secundum Oliveiram, (nec enim in numero conveniunt scriptores) ex sunt; Para, Maranhaon, Ciara, Rio grande, Parayba, Tamaraca, Pernambuco, Seregipe, Bahia, Ilheos, Spiritu Sancto, Porto Seguro, Rio de Ianeyro, Sant Vincente. quarum sex ad dominos particulares pertinent, qui illas armis acquisivere, hodieque possident, reliquæ octo sunt regis. Intervalla inter hæc Capitaniis diversa sunt; nam à prima, quæ Para dicitur, ad secundam Maranhaon centum & sexaginta leucæ numerantur; à Maranhaon autem ad Ciaram centum & viginti quinque leucæ; à Ciara ad Rio grande centum; à Rio grande ab Paraybam quadraginta quinque; à Parayba ad Tamaricam viginti quinque; à Tamarica ad Pernambucum sex; à Pernambuco ad Seregipen septuaginta; à Seregipe ad Bahiam viginti quinque; à Bahia ad Ilheos triginta; ab Ilheos ad Porto Seguro triginta; à Porto Seguro ad Spiritu sancto sexaginta quinque; à Spiritu sancto ad Rio de Ianeyro septuaginta quinque; à Sant Vincente ad æstuarium flu-

minis de la Plata ducentæ & viginti leucæ.

Verum, secundum Herreram aliosque, non tam late vagatur Brasilia, verum illos solummodo terrarum tractus continet, qui ad orientale latus lineæ, hæc terras inter Castellæ & Lusitanæ Regem partientes, siti sunt, à gradibus longitudinis 29, ad gradum 39, à Meridiano Toletano leucis 200, ab oriente in occidentem: à Septentrione vero in Austrum 450. inter altitudinis Borealis gradus 2, & Australis 25, nempe à promontorio de Humos usque ad insulam Buenabriga: ut à prima Colonia Portugallorum usque ad extremam leucæ numerentur 350.

Idem Capitaniis sive Præfecturas Brasiliæ numerat octo, quarum prima eaque vetustissima est Tamaraca, secunda Pernambuco, Tertia Todos los Sanctos, quarta los Ilheos, quinta de Porto Seguro, sexta del Spiritu Sancto, septima de Genero, octava S. Vincentii.

Primus has regiones detexit auspiciis Catholicorum Regum Vincentius Yañez Pinzon, & post hunc Diego de Lopez, anno 1500; septemque mensibus post in eas casu delatus est Peralvarez Cabral instructa Lusitanorum classe in Indiam cogitans. Dum enim littora Guineæ devitare longius vellet, & ab iis declinaret, in has oras deflexit, quas Santa Cruz vocavit, quod eo die has detexisset.

In littore portus octo aut novem nobiliores occurrunt: fluvius nempe S. Domingo, & de las Virtudes: fluvius S. Francisci altit. grad. 10: mox sinus de Todos Santos, latus leucas 3, in intimas terræ partes ad leucas extensus 13 ad urbem usque S. Salvador, necnon portus fluviusque Trinidado, in quem huc tendentes naves se recipiunt. Fluvius adhæc Canamum altit. grad. 14: fluvius S. Augustini sive las Cuentas altit. grad. 14½: fluvius de las Virgines alt. grad. 16. Porto Seguro alt. grad. 17. Fluvius la Parayba alt. grad. 20, prope fluv. Sanctus Spiritus: fluvius Genero non longe à S. Sebastian & Cabo Frio altit. grad. 23. denique S. Vincente alt. grad. 24.

*Limites
veræ*

Capitaniæ.

*Quis de-
texit.*

DESCRI-